

postupka podnesen od strane Udruženja inovativnih proizvođača lijekova u Bosni i Hercegovini, Grbavička 4, 71 000 Sarajevo (u daljem tekstu: Podnosilac zahtjeva ili Udruženje), putem advokata Almira A. Selimovića, Maršala Tita 29/II, 71 000 Sarajevo, protiv Vlade Tuzlanskog kantona, Rudarska 65, 75 300 Tuzla (u daljem tekstu: Protivna strana ili Vlada TK), radi utvrđivanja postojanja zabranjenog sporazuma iz člana 4. stav 1) tačke b) i d) Zakona o konkurenciji ("Službeni glasnik BiH", broj 48/05, 76/07 i 80/09) (u daljem tekstu: Zakon).

U zahtjevu za pokretanje postupka je navedeno da Vlada Tuzlanskog kantona "Odlukom o izmjeni Odluke o Pozitivnoj listi lijekova Tuzlanskog kantona" broj: 02/1-37-24641/15 od 05.11.2015. godine, sprječava i narušava tržišnu konkurenciju na tržištu izdavanja lijekova koji se izdaju na teret zdravstvenog osiguranja Kantona u smislu člana 4. stav (1) tačka b) i d) Zakona o konkurenciji.

Na osnovu dostavljenih informacija i dokumentacije Konkurencijsko vijeće je ocijenilo da nije moguće bez provedenog postupka utvrditi postojanje povrede Zakona o konkurenciji na koje Podnosilac zahtjeva ukazuje, te je u smislu člana 32. stav (2) Zakona, dana 30.03.2016.godine donijelo Zaključak o pokretanju postupka broj: 03-26-2-042-7-II/15 protiv Vlade Tuzlanskog kantona.

U skladu sa članom 33. Zakona, Konkurencijsko vijeće je dostavilo Zahtjev za pokretanje postupka i Zaključak o pokretanju postupka na odgovor stranci protiv koje je pokrenut postupak, odnosno Vladi Tuzlanskog kantona.

Vlada Tuzlanskog kantona je dana 28.04.2016.godine dostavila Odgovor na Zahtjev i Zaključak o pokretanju postupka broj: 03-26-2-042-17-II/15, koji je Konkurencijsko vijeće prosljedilo Podnosiocu zahtjeva.

Konkurencijsko vijeće je dana 23.05.2016. godine zaprimilo podesak broj: 03-26-2-042-19-II/15 Vlade Tuzlanskog kantona, kojim se Konkurencijsko vijeće obavještava da je Vlada Tuzlanskog kantona dana 05.05.2016 godine donijela novu "Odluku o Pozitivnoj listi lijekova Tuzlanskog kantona", broj 02/1-37-10570/16, te da je u članu 6. naprijed navedene odluke određeno da prestaje da važi "Odluka o Pozitivnoj listi lijekova Tuzlanskog kantona" ("Službene novine Tuzlanskog kantona", broj 14/15, 15/15 i 3/16)".

Obzirom da je Konkurencijsko vijeće na zahtjev Udruženja inovativnih proizvođača lijekova u BiH Zaključkom o pokretanju postupka broj 03-26-2-042-7-II/15, pokrenulo postupak protiv Vlade Tuzlanskog kantona radi utvrđivanja zabranjenog sporazuma zbog donošenja "Odluke o izmjeni Odluke o Pozitivnoj listi lijekova Tuzlanskog kantona" broj: 02/1-37-24641/15 od 05.11.2015. godine, te da je novom odlukom prestala da važi odluka zbog koje je pokrenut postupak, Podnosiocu zahtjeva je dostavljena nova "Odluka o Pozitivnoj listi lijekova Tuzlanskog kantona" na očitovanje da li i dalje ostaje kod svog Zahtjeva za pokretanje postupka.

Udruženje inovativnih proizvođača lijekova u BiH je dana 13.06.2016. godine, dostavilo podnesak broj: 03-26-2-042-21-II/15 u kom su naveli da odustaju od daljeg postupka, budući da je Vlada Tuzlanskog Kantona donijela novu "Odluku o pozitivnoj listi lijekova u Tuzlanskom kantonu" kojom se ne sprječava konkurencija na tržištu lijekova u Tuzlanskom kantonu.

U skladu sa članom 122. stav (1) Zakona o upravnom postupku, stranka može odustati od svog zahtjeva (cijelog ili dijela) u toku cijelog postupka. Također, članom 123. stav (1) Zakona o upravnom postupku je određeno da stranka može odustati od svog zahtjeva podnošenjem pismene izjave organu koji vodi postupak.

Na osnovu navedenoga, a u vezi sa članom 122. stav (1) Zakona o upravnom postupku, Konkurencijsko vijeće je odlučilo kao u dispozitivu ovog Zaključka.

#### **Administrativna taksa**

Na ovaj Zaključak Podnosilac zahtjeva, u skladu sa članom 2. Tarfina broj 108. stav (1) tačka b) Odluke o visini administrativnih taksi u vezi sa procesnim radnjama pred Konkurencijskim vijećem ("Službeni glasnik BiH", br. 30/06 i 18/11) je obavezan platiti administrativnu taksu u iznosu od 500,00 KM u korist Budžeta institucija Bosne i Hercegovine.

#### **Pouka o pravnom lijeku**

Protiv ovog Zaključka nije dopuštena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Zaključka.

Broj 03-26-2-042-22-II/15

14. jula 2016. godine

Sarajevo

Predsjednica

Mr. Arijana Regoda-Dražić, s. r.

### **URED ZA VETERINARSTVO BOSNE I HERCEGOVINE**

#### **1077**

Na temelju članka 5. stavak (2) Zakona o zaštiti i dobrobiti životinja ("Službeni glasnik BiH", broj 25/09), Ured za veterinarstvo Bosne i Hercegovine donosi

#### **PRAVILNIK**

#### **O IZMJENI PRAVILNIKA O UVJETIMA KOJIMA MORAJU UDOVOLJAVATI FARME I UVJETIMA ZA ZAŠTITU ŽIVOTINJA NA FARMAMA**

##### **Članak 1.**

U Pravilniku o uvjetima kojima moraju udovoljavati farme i uvjetima za zaštitu životinja na farmama ("Službeni glasnik BiH", br. 46/10 i 12/13), u članku 60. stavak (2) riječi: "do 01. siječnja 2015. godine" zamjenjuju se riječima: "do 01. siječnja 2018. godine".

##### **Članak 2.**

Ovaj Pravilnik stupa na snagu danom donošenja, i objavljuje se u "Službenom glasniku BiH".

Broj 02-1-02-3-759-760/16

30. kolovoza 2016. godine

Direktor

Ljubomir Kalaba, v. r.

На основу члана 5. став (2) Закона о заштити и добробити животиња ("Службени гласник БиХ", број 25/09), Канцеларија за ветеринарство Босне и Херцеговине доноси

#### **ПРАВИЛНИК**

#### **О ИЗМЈЕНИ ПРАВИЛНИКА О УСЛОВИМА КОЈЕ МОРАЈУ ДА ЗАДОВОЉАВАЈУ ФАРМЕ И УСЛОВИМА ЗА ЗАШТИТУ ЖИВОТИЊА НА ФАРМАМА**

##### **Члан 1.**

У Правилнику о условима које морају да задовољавају фарме и условима за заштиту животиња на фармама ("Службени гласник БиХ", бр. 46/10 и 12/13), у члану 60. став (2) ријечи: "до 01. јануара 2015. године" замјењују се ријечима: "до 01. јануара 2018. године".

##### **Члан 2.**

Овај Правилник ступа на снагу даном доношења, и објављује се у "Службеном гласнику БиХ".

Број 02-1-02-3-759-760/16

30. августа 2016. године

Директор

Љубомир Калаба, с. р.